

10067

=75



皇朝文獻通考卷一百三十

王禮考 六

登極

臣等謹按馬端臨王禮考不載登極之儀王者踐阼而治萬國應期啟聖握紀御符典禮詎宜從畧元史禮樂志載卽位受朝儀明史禮志亦首載登極儀於例為協洪惟我

太祖肇興王業建元受朝式創受命之規

太宗拓土啟疆諸部咸附建國號曰



大清築壇告

天宣表稱賀益宏開國之模

世祖定鼎燕京柴燎告

天行卽位禮遂成萬年一統中外之業至於

列聖繼體守文正位凝命告於

几筵臨莅萬國所定儀注斟酌古今之宜至孝至仁超軼

千古我

皇上嗣皇帝位悉遵

前典敬迓

天庥茲按

五朝實錄

起居注及

大清會典敬謹編載以垂示無極

天命元年正月壬申朔諸王百官

太祖高皇帝尊號曰覆育列國英明皇帝建元天命

御殿受朝賀是日內外貝勒大臣率羣臣集殿前分八旗

序立

上御殿陞座衆貝勒大臣率羣臣跪八大臣出班跪進表

章近侍侍衛阿敦巴克什額爾德尼接表額爾德尼在

御前宣表訖

上乃降御座焚香告

天率貝勒諸臣行三跪九叩禮畢復

陞座眾貝勒大臣各率本旗人員行慶賀禮

十一年九月庚午

太宗文皇帝嗣皇帝位

御殿受羣臣朝

頒詔大赦是日三大貝勒諸貝勒大臣及文武各官聚於

朝具

法駕設鹵簿

上率貝勒羣臣焚香告

天行三跪九叩禮畢

上陞座諸貝勒大臣文武官員行三跪九叩禮畢

頒詔大赦以明年為天聰元年

崇德元年四月乙酉內外貝勒以下文武百官上

尊號曰寬溫仁聖皇帝改元崇德建國號曰

大清前期築壇於

天壇之東屆期

上率內外貝勒以下文武百官出德盛門詣壇告祭

天

地禮成文武各官先至壇東所築壇下奉玉璽四金椅陳

設壇上

大駕鹵簿陳設壇前畢導引官二人在前恭導

駕由中階登壇升座諸貝勒大臣左右序列樂作鳴贊官

贊跪叩衆行三跪九叩禮興贊跪衆皆跪和碩貝

勒等捧寶跪獻

上受寶授內院官置寶盃內諸貝勒等復位鳴贊官贊叩

興衆行三跪九叩禮興贊跪衆皆跪宣讀官捧滿

洲蒙古漢字三體表文立於壇東以次宣讀畢贊

叩興衆行三跪九叩禮興贊退諸貝勒羣臣俱退

陳儀仗奏樂

駕還宮越二日丁亥諸貝勒大臣率文武各官上表慶賀

齊集殿前分翼排立

上御殿陞座樂作鳴贊官贊排班贊進贊跪叩興貝勒大

臣率滿洲各官行三跪九叩禮與贊跪貝勒大臣率滿洲各官俱跪捧表跪進侍臣接至

御前跪讀畢贊叩俱行三跪九叩禮與贊退各復原位立次外藩貝勒大臣進表行禮次漢官進表行禮俱如前儀

御前官傳

旨曰

寬溫仁聖皇帝有制諭諸貝勒大臣進前贊禮官贊班齊衆皆序立贊禮官贊跪滿洲文臣捧

上諭至諸貝勒大臣前西向立宣讀曰寬溫仁聖皇帝勅諭朕以涼德祇承丕緒加以尊號懼無以慰衆望爾等勸進再三屢辭勿獲今敬告

天

地允受尊號爾諸貝勒大臣當同心輔政恪共厥職以匡朕之不逮正已率屬各殫忠誠立綱陳紀毋圖小利倘能建立功名朕當隆以爵賞尤須撫衆恤民君臣一德庶幾上合

天心下遂民志如此則明良喜起政治咸熙萬民樂利

天益佑助之矣布告天下咸使聞知宣畢諸臣奏曰
聖諭及此國家之福也於是贊禮官贊跪贊叩諸貝勒大

臣行三跪九叩禮贊禮官贊復位諸貝勒大臣俱
復位次執事文官都察院贊禮官各行三跪九叩
禮畢

賜諸貝勒大臣文武各官坐衆各一跪一叩坐

賜宴畢

駕還宮衆皆退是日

頒詔大赦

八年八月丁亥

世祖章皇帝嗣皇帝位

御殿受羣臣朝

頒詔中外前期告祭

郊壇

宗廟是日內外諸王貝勒率文武羣臣具朝服齊集

篤恭殿前兩翼按旗序立內院官奏請

陞殿

上出宮時寒甚侍臣進貂裘

皇朝文獻通考 卷一百三十一
上却視裘弗御時

上甫六齡將升輦乳媪欲同坐

上曰此非汝所宜乘不許遂升輦由東掖門出諸王羣臣

跪迎

御殿升座和碩鄭親王濟爾哈朗和碩睿親王多爾袞率

諸王貝勒貝子公文武羣臣前進鳴贊官贊跪叩

興衆行三跪九叩禮興贊退俱復原位立次外藩

王以下各官前進鳴贊官贊跪叩興衆行三跪九

叩禮興贊退俱復原位立贊排班贊進贊跪衆俱

跪贊頌

恩詔大學士自黃案上捧詔書至丹陛上立宣

詔曰我

太祖武皇帝受

天明命肇造丕基懋建鴻功貽厥孫子

皇考大行皇帝嗣登大寶盛德深仁宏謨遠畧克協

天心不服者武功以戡定已歸者文德以懷柔拓土興基

國以滋大在位十有七年於崇德八年八月初九日

上賓諸伯叔兄及文武羣臣咸以國家不可無主神器不

可久虛謂朕爲

皇考之子應繼大統乃於八月二十六日卽皇帝位以明年爲順治元年朕年幼冲尚賴諸伯叔兄大臣共襄治理所有應行赦款開列於後布告中外咸使聞知宣詔畢贊卽與衆行三跪九叩禮興贊退俱復原位立贊禮畢上升輿還宮顧謂侍臣曰適所進裘若黃裏朕白衣之以紅裏故不服耳諸王以下文武各官跪送各退是日不

陳鹵簿不作樂不設筵宴

順治元年十月乙卯朔以定鼎燕京告

天行卽位禮

御殿受朝賀

頒詔天下前期太常寺官掃除壇壝司禮監設金椅於郊壇之東南向設寶案於金椅前是日遣官告於太廟

社稷鹵簿全設

駕由大清門出作樂前導

上躬詣

南郊告祭

天

地畢內院大學士率文武各官跪奏告祭禮成贊引官恭導進詣壇東幄次更衣

陞座諸王以下文武各官侍立鳴贊官贊排班贊進贊跪衆俱跪大學士剛林由東班陞階正中跪學士詹霸自案上捧寶授大學士剛林剛林奉寶奏云

皇帝君臨萬國諸王文武羣臣不勝歡忭奏畢以寶仍授學士詹霸置於案上皆退立原班鳴贊官贊跪叩興衆俱行三跪九叩禮興贊退俱復原位立候

駕還宮鹵簿前導作樂進

大清門衆俱退是日鴻臚寺設

御座於皇極門正中

今名太和門

設表案於門檐之東王等齊

集於金水橋之北文武各官齊集於金水橋之南東西相向序立祇埃樂作

上陞座樂止鑾儀衛官贊鳴鞭階下三鳴鞭內大臣侍衛內院禮部都察院及鴻臚寺執事各官先於階上行三跪九叩禮畢各司其事鳴贊官贊排班贊進贊跪諸王率文武各官俱跪贊進表內院大學士

捧諸王等所進三體表文跪置案上與鳴贊官贊
宣表內院大學士詣案前取表以次跪宣畢與捧
表仍跪置案上行三叩禮興退立原位鳴贊官贊
跪叩興諸王以下文武各官行三跪九叩禮興贊
退眾俱復原位立鑾儀衛官贊鳴鞭階下三鳴鞭
上還宮各退越九日甲子

御皇極門

頒詔天下大宴諸王文武羣臣

詔曰我國家受

天眷佑肇造東土

列祖創興鴻業

皇考式廓前猷遂舉舊邦誕膺新命迨朕嗣服雖在冲齡
締念紹庭永綏厥位頃緣賊氛游熾極禍中原是用倚
任親賢救民塗炭乃方馳金鼓旋奏澄清旣解倒懸非
富天下而王公列辟文武羣臣暨軍民耆老合詞勸進
懇切再三乃於今年十月初一日祇告

天

地

宗廟

社稷即皇帝位仍建有天下之號曰大清定鼎燕京紀元順治緬維峻命不易創業尤艱况當改革之初更屬變通之會是用準今酌古揆天時人事之宜庶幾吏習民安彰

祖功

宗德之大於戲天作君師惟鑒臨於有德民歌父母斯悅豫於無疆既已俞旨布恩宏敷大賚將使投誠歸命無阻幽深惟爾萬方與朕一德布告遐邇咸使聞知

十八年正月己未

聖祖仁皇帝嗣皇帝位

御殿受羣臣朝

頒詔天下前期司設監設

御座於

太和殿宣徽院設

寶案於

御座之南鴻臚寺設表案於簷下之東設

詔案於楹內之東是日遣官各一人祭告

天 地

太廟

社稷陳鹵簿儀仗於

太和殿前陳輦輅於

午門陳黃蓋雲盤於丹墀內陳龍亭香亭於

午門外教坊司陳中和韶樂於丹陛上之東西陳丹

陛樂於

太和門之東西俱設而不作內閣官捧

詔置於

太和殿內之東案上尙寶司捧

寶置於

御座之南案上

上縞素服詣

世祖章皇帝几筵前行三跪九叩禮祇告受命禮畢具禮

服詣

聖祖母太皇太后前行三跪九叩禮次詣內別殿詣

兩宮

皇太后前行三跪九叩禮畢禮部堂官奏請

御中和殿陞座鴻臚寺官引內大臣侍衛內院禮部都察

院執事各官行三跪九叩禮畢不贊禮部堂官奏

請

御太和殿陞座鳴鐘鼓不作樂王以下公以上齊集丹陛

上文武百官齊集丹墀內俱朝服序立鑾儀衛官

贊鳴鞭鳴贊官贊排班贊進贊跪諸王以下各官

俱跪贊上表稱賀有

旨免宣鳴贊官贊跪叩與諸王以下各官行三跪九叩禮

與贊退俱復原位立內閣官捧

詔至

寶案前用寶訖大學士捧出

太和殿授禮部堂官禮部堂官跪受由中階降安設

雲盤內張黃蓋由中道出行禮開讀王以下公以

上進

殿內一跪一叩坐

賜茶畢鳴鞭

駕還宮易服是日

頒詔天下

詔曰惟我國家受

天眷命

祖功

宗德肇造丕基我

皇考大行皇帝盛德至仁莫資大度繼承歷數統一寰區

恩澤洽於多方政教臻於上理方期邦國永底雍熙不

幸奄棄臣民遽升

龍馭顧以大寶屬於躬躬朕兢兢在疚本不忍聞而諸王

貝勒大臣文武官員人等僉謂神器既已攸歸天位不
宜久曠堅請再三朕是以俯徇輿志勉抑哀衷於是月
初九日祇告

天

地

宗廟

社稷卽皇帝位仰惟

上天眷佑之篤

祖宗付託之隆涼德冲齡膺茲重寄敬圖觀光揚烈用紹

皇朝文獻通考 卷一百三十一
無疆之休其以明年爲康熙元年與天下更始式衍舊
恩聿弘新化於戲孝思維則永深繼述之懷忠悃載摠
實賴勛勤之佐凡爾親賢文武其尙輔翼菲躬共矢嘉
謨以成至治布告天下咸使聞知

康熙六十一年十一月辛丑

世宗憲皇帝嗣皇帝位

御殿受羣臣朝

頒詔天下前期遣官各一人告祭

天

地

太廟

社稷禮部設

寶案於

太和殿

御座之南鴻臚寺設表案於檐下之東設

詔案於檻內之東是日鑿儀衛陳鹵簿儀仗於

太和殿前陳輦輅於

午門外陳黃蓋雲盤龍亭香亭於丹墀內教坊司陳

導迎樂於

午門外陳中和韶樂於簷之東西陳丹陛樂於

太和門之東西設而不作內閣大學士捧

詔置於

太和殿之東案內閣學士捧

寶大學士隨後由

乾清門至

太和殿置於

御座之南案上

上縞素服詣

聖祖仁皇帝梓宮前行三跪九叩禮祇告受命出更禮服

詣

聖母皇太后宮行三跪九叩禮出至

乾清門外陞輿

先是總管太監下 乾清宮中間簾

內鑾儀衛在

乾清宮丹陛中預備

出奉

旨乾清宮雖垂簾朕何忍在

皇父前卽坐輿出中門朕從

禮部堂官恭導至

東旁門出再坐輿心始安

保和殿後降輿奏請

御中和殿陞座鴻臚寺引內大臣侍衛內閣翰林院詹事

皇朝文獻通考卷一百三十一
府禮部都察院執事各官行三跪九叩禮畢不贊
禮部堂官奏請

御太和殿陞座鳴鐘鼓不作樂王以下公以上齊集丹陛
上文武百官齊集丹墀內俱朝服排班序立鑾儀
衛官贊鳴鞭鳴贊官贊排班贊進贊跪諸王以下
各官俱跪贊上表奉

諭免宣鳴贊官贊跪叩與王以下各官行三跪九叩禮興
贊退俱復原位立大學士捧

詔至

寶案前用寶訖捧出

太和殿授禮部堂官禮部堂官跪受由中階降安設
雲盤內由中道出行禮開讀文武各官由

昭德門

貞度門出王以下公以上進

殿一跪一叩坐鳴鞭王以下各官興

駕還官易服內閣學士捧

寶大學士隨後送至

乾清門乃退是日

頒詔天下

詔曰惟我國家受

天綏佑

太祖

太宗肇造區夏

世祖章皇帝統一疆隅我

皇考大行皇帝臨御六十一年德茂功高文經武緯海宇

寧謐歷數悠長不謂謝棄臣民遽升

龍馭親授神器屬於藐躬朕

皇考大行皇帝

德妃之子昔皇二子弱齡建立深為

聖慈鍾愛寢處時依恩勤倍篤不幸中年神志昏憤病類

風狂

皇考念宗社重任付託為艱不得已再行廢斥待至十有

餘年沉疾如故痊可無期是以

皇考升遐之日詔朕繼承大統朕之昆弟子姪甚多惟思

一體相關敦睦罔替共享昇平之福永圖磐石之安孔

子曰三年無改於父之道我

皇考臨御以來良法美政萬世昭垂朕當永遵成憲不敢
少有更張何止三年無改至於

皇考知人善任至明至當內外諸大臣朕方亟資翊贊以
期始終保全務宜竭盡公忠恪守廉節俾朕得以加恩
故舊克成孝思倘或不守官箴自干國紀既負

皇考簡拔委用之恩又負朕篤愛大臣之誼部院屬吏直
省有司亦宜實心任事潔已奉公不得推諉上官自曠
厥職天下百姓受

皇考恩澤日久蠲賑頻施勸懲備至間有愚氓甘犯律令
皇考每遇讞決必加詳審爰書累牘披閱靡遺少有可生
之路立施法外之仁凡我百姓各宜孝親敬長畏罪懷
刑以副朕仰法

皇考如天好生之意茲因諸王貝勒大臣文武官員人等
僉謂天位不可久虛

宗社允宜蚤主再三陳請朕勉徇輿情暫抑悲痛於是月
二十日祇告

天
地

宗廟

社稷卽皇帝位以明年爲雍正元年仰惟

先志之宜承深望皇圖之永固適昭新化期衍舊恩於戲

追慕

前徽繼述無忘於夙夜廣推

聖澤恩膏願被於寰區凡爾親賢文武其共矢蓋誠各輸
心膂用紹無疆之業永垂有道之庥布告天下咸使聞

知

雍正十三年九月己亥

皇上嗣皇帝位

御殿受羣臣朝

頒詔天下前期遣官各一人告祭

天

地

太廟

社稷至日五鼓各執事官入

太和殿設

寶案於

御座前正中設

詔案筆硯案表案陳鹵簿樂懸均如儀內閣學士二人奉

詔書禮部儀制司官奉表內閣中書奉筆硯均陳於案大學士一人率學士詣

乾清官請

皇帝之寶陳於

殿上

寶案正中質明

上縞素服詣

世宗憲皇帝几筵前行禮祇告受

命出更禮服詣

皇太后宮行禮畢禮部堂官奏請

御殿

上自乾清門左旁門出陞輿

先是禮部奏

登極儀

輜於乾清門正中今

旨此奏內稱安

清宮朕不敢於乾清門正中乘輿著安於稍左

引扈衛如儀御中和殿內大臣侍衛內閣翰林院禮部都察院執事

皇朝文獻通考 卷一百三十一
三
各官行禮畢禮部堂官奏請

御大和殿陞座鳴鞭王公百官行三跪九叩禮畢復位

大學士奉

詔詣

寶案學士北面用寶訖乃

頒詔布告天下禮成鳴鞭

上還宮易服是日宮懸大樂設而不作不宣表不賜茶

詔曰惟我國家受

天眷命

太祖

太宗創垂基緒

世祖統一萬邦

皇祖聖祖仁皇帝享祚久長重熙累洽我

皇考大行皇帝續承大統御宇十有三年夙夜憂勞勤求

至治用康乂我億兆臣民盛德豐功炳耀寰宇恩膏

洋溢漸被八紘溥海時雍中外蒙福方期永綏隆祚

仰荷鴻禧何意奄棄臣黎遽升

龍馭以

宗廟

社稷之重屬於藐躬朕自冲齡卽蒙

皇祖撫育宮中深恩鍾愛睠睠逾常

皇考顧復恩勤聖慈篤摯瞻依朝夕祇受

誨言牖迪有加

宸衷默眷朕自惟涼德懼弗克勝顧念神器不可久虛勉

抑哀衷欽遵

成命於九月初三日祭告

夫

地

宗廟

社稷卽皇帝位以明年爲乾隆元年仰惟

上天篤祐之隆

皇考詒謀之重撫躬乾惕祇紹

前徽丕布新恩聿昭錫類於戲觀光揚烈深思負荷之維

艱建極綏猷時勵精勤於罔懈諸王文武大小臣工

其共殫公忠協心襄贊懋圖上理祇迓洪庥以光大

我國家無疆之祚布告天下咸使聞知

登極儀凡

登極之禮既訖吉諸司下所屬供備王公大學士文武百官前期進表內閣先一日遣官祇告

天

地

太廟

社稷各一人朝服將事如常儀禮畢出易服退

右祇告

是日五鼓步軍統領勒所部屯禁城諸門所司入

太和殿鋪陳

御座南正中設一案南向前楹之東設二案皆西向西

設一案東向又中設一案於丹陛上設黃繖雲盤

於丹墀鑾儀衛率官校入備鑾輿陳

法駕鹵簿樂部和聲署入展樂如儀夜漏未盡禮部

尚書奉表入陳東楹南案內閣中書奉筆硯入陳

西案內閣學士一人奉

詔書入陳東楹北案大學士一人率學士詣

乾清門請

皇帝之寶學士恭奉大學士從入

殿內恭設於中案退記注侍班執事各官王公百官

班位如常儀

詳見三大節

右陳設序位

質明王公文武百官畢會

午門闕下朝服序入均如常儀

皇帝詣

几筵前行祇告受

命禮禮成出更禮服詣

皇太后官

皇太后禮服陞座

皇帝行三跪九叩禮畢禮部尙書侍郎二人率欽天監

候時官奏時

午門鳴鐘鼓

皇帝由

乾清門左門出乘輿禮部尙書侍郎恭導內大臣十

人前引二人後扈豹尾班執槍侍衛十人佩刀侍

衛十人翊衛隨行由

保和殿

御中和殿陞座鴻臚寺官引侍班導從各官按班行禮

畢侍班官先趨出外朝就位禮部尚書一人進至

檐前奏請卽

皇帝位

駕輿導引翊衛如初

御太和殿陞

寶座南面卽

皇帝位鑾儀衛官三傳鳴鞭丹墀內三鳴鞭鴻臚寺卿

引王公於丹陛上鳴贊引文武百官於丹墀內北

面立贊進皆進贊跪皆跪贊叩興王以下文武百

官行三跪九叩禮興鴻臚寺官引退復位立大學

士進

殿左門就東案奉

詔陳於中案上少退西面立內閣學士進就中案北面

用

寶訖退禮部尚書進至檐下大學士奉

詔由闌東出

殿中門授禮部尚書禮部尚書跪受興奉至丹陛案
前北面恭設於案行一跪三叩禮興復奉降中階
至丹墀陳於雲盤禮部儀制司官一人跪受興十
人前導由中道出

頌詔天下

皇帝降座至

殿後階乘輿入

後左門至

乾清門左門外降輿入還側殿易服大學士率學士

奉

皇帝之寶送

乾清門各退是日陳表而不宣官懸大樂皆設而不

作餘儀與三大節同

右百官朝見

皇朝文獻通考卷一百三十

皇朝文獻通考卷一百三十一

王禮考七

上

尊號

徽號

臣等謹案帝王踐阼之始尊崇母后帝母稱皇太后祖母稱太皇太后漢時設立官屬或因所居宮為號如長樂長信之類是也宋天聖中始上皇太后應元崇德仁壽慈聖之號遼金元明皆有上徽

號儀馬氏以上尊號禮儀附見帝系考今從王圻續考之例載入王禮考伏惟

列聖以孝治天下奉事

璇闈孝思誠至每遇大慶典則舉恭上

徽號之儀

孝莊文皇后於順治朝上

徽號者四康熙朝加上

徽號者五

孝惠章皇后於康熙朝加上

徽號者五

孝康章皇后於康熙朝上

徽號者一

孝恭仁皇后於雍正朝上

徽號者一

皇上至孝至誠奉事

聖母崇慶慈宣康惠敦和裕壽純禧恭懿安祺靈豫皇太

后自

御極以來恭遇慶典晉上

崇稱者凡九上稽前典下順輿情備極
尊崇之隆禮若夫尊封太妃列代厥有故事

國朝定制尊封

太妃

太嬪或遣官將事或

至尊親自行禮悉據會典通禮所述儀注附列於後以

垂億萬年之定制焉

崇德八年

世祖章皇帝嗣位尊

聖母皇后為

皇太后

聖母為

皇太后

順治八年

世祖章皇帝親政二月戊子恭上

聖母皇太后徽號曰

昭聖慈壽皇太后前期一日遣官祭告

天

地

太廟

社稷屆日設

皇太后儀仗於宮中內院禮部官進官設黃案於正中親

王以下公以上俱朝服於午門內序立滿洲漢軍

蒙古都統尙書子副都統侍郎等官在左翼門外

序立文武百官在午門外排班鑾駕大樂全設

皇太后冊寶綵亭在左翼門內陳設

世祖章皇帝出宮

冊寶綵亭起行內院禮部官前導

駕詣

皇太后宮王以下公以上進

太和殿丹墀隨

駕行

冊寶綵亭從左翼中門出侍立官皆跪候過隨

駕行

駕至

皇太后宮門外降輦請

皇太后陞座

皇太后具禮服陞座

冊寶綵亭至宮門外止捧

冊寶官捧

冊寶由正中進宮內立於左側引禮官導

駕進宮門內至拜位王以下公以上在宮大門限外序立

都統尙書以下侍郎副都統以上在宮大門外序

立鴻臚寺官奏跪

世祖章皇帝率諸王衆官皆跪鴻臚寺官奏進

冊寶左側捧

冊寶官跪授

冊寶

世祖章皇帝受

冊寶恭肅右側官跪接置於黃案上鴻臚寺官奏宣

冊寶宣讀官跪宣

冊寶訖鴻臚寺官奏叩頭

世祖章皇帝率諸王衆官皆三跪九叩頭訖午門外侍立

各官亦隨行三跪九叩頭禮鴻臚寺官奏禮畢

皇太后還宮引禮官導

世祖章皇帝還宮諸王衆官俱退次日

御太和殿諸王率文武百官上表行慶賀禮固倫公主和

碩福晉以下都統子尙書以上命婦詣

皇太后宮行慶賀禮質明

皇太后儀仗全設公主王妃以下一品命婦以上俱朝服

齊集

皇太后宮門外分翼排立隨從

皇太后女官先進宮內於

皇太后前行禮次公主王妃等及大臣命婦皆進宮門內

立內監奏請

皇太后陞座

皇太后禮服御內殿樂作

陞座樂止四女官引公主王妃等及大臣命婦前進行六

肅三跪三叩禮畢

皇太后還宮

命公主王妃等及大臣命婦俱進宮內

賜茶畢衆皆出是日

頒詔天下

詔曰帝王統御寰區撫綏億兆莫不正名彰德致隆於所
生乃仁孝之至情尊養之彝憲也欽惟我

聖母協贊

皇考勤修內則克諧宮壺以御於家邦誕育眇躬劬勞啟
迪續承洪緒混一多方揆厥本原實惟

聖庇王公臣庶咸謂宜崇上

尊號以孚中外之心協古今之禮察茲公議允愜朕衷謹

告

天

地

太廟

社稷於順治八年二月初十日率諸王貝勒文武羣臣

恭奉

冊寶上

尊號曰

昭聖慈壽皇太后隆儀備舉愷澤覃敷於戲立愛惟親孝

思不匱惟我

皇明文獻通考

卷二百三十一

七

聖母丕隆名壽於萬斯年

公臣庶偕茲大慶其各祗乃

身裕乃心勤乃事敬迓

天庥以共臻於邳理布告天下咸使聞知

八月乙丑以

太婚禮成加上

昭聖慈壽皇太后徽號曰

昭聖慈壽恭簡皇太后前期遣官祭告

天

地

太廟

社稷屆日

世祖章皇帝御太和殿奉

冊寶率諸王貝勒文武大臣詣

昭聖慈壽皇太后宮加上

徽號行禮如儀次日

御太和殿諸王貝勒文武羣臣上表行慶賀禮如儀

皇后詣

皇太后宮行慶賀禮質明

皇太后儀仗全設公主等先齊集於

皇太后宮隨從

皇太后女官先於

皇太后前行禮王妃郡主以下郡君輔國公夫人及民公

都統子尚書等官命婦以上在左翼門外齊集候

皇后陞輿由

太和殿中左門出至左翼門王妃等俱隨後至

皇太后宮門外

皇后降輿率王妃等進至門內奏請

皇太后陞座

皇太后禮服御內殿樂作

陞座樂止

皇后率公主王妃等前進四女官前引行六肅三跪三叩

禮畢

皇太后還宮樂作進宮樂作進宮樂止

命

皇后公主王妃郡主等大臣命婦進宮

賜茶畢

皇后出乘輿還宮王妃等及王大臣命婦隨至左翼門外

司公候

皇后進官衆俱退是日

頒詔天下

詔曰朕惟帝王孝治天下尊養隆備鴻章顯號因事有加
乃人子之至情古今之通義也朕丕承大命奄有萬方
揆厥所由實承

懿訓至於玉成茲爲朕慎擇淑配端範宮闈嘉禮之始深
惟

聖母洪慈靡極是以參稽典禮合布歡心謹告

天

地

太廟

社稷於順治八年八月二十日率諸王貝勒文武羣臣

恭奉

冊寶加上

聖母昭聖慈壽皇太后尊號曰

昭聖慈壽恭簡皇太后允協羣情覃敷愷澤所有恩宥事

宜條列於後布告天下咸使聞知

十一年六月己卯以

大婚禮成加上

昭聖慈壽恭簡皇太后徽號曰

昭聖慈壽恭簡安懿皇太后前期一日遣官祭告

天

地

太廟

社稷屆日

世祖章皇帝恭奉

冊寶率諸王貝勒文武羣臣詣

昭聖慈壽恭簡皇太后宮加上

徽號行禮如儀次日

御太和殿諸王貝勒文武羣臣上表行慶賀禮

頒詔天下

詔曰在昔成周闔門敦睦治化翔洽祈天永命以克昌厥

世皆文母之德也朕以涼薄繼承

祖宗丕緒統御海內賴我

聖母昭聖慈壽恭簡皇太后恩勤誨迪是訓是行十有一年於茲矣深惟風教之源始於宮壺遴求淑德作配朕躬嘉禮既成

慈徽益著宜晉尊崇弘章

聖善謹擇順治十一年六月二十一日之吉祇告

天

地

太廟

社稷率諸王貝勒文武羣臣恭奉

冊寶加上

聖母尊號曰

昭聖慈壽恭簡安懿皇太后名壽克全於大德尊親覃慶於多方所有恩赦事宜開列於後布告天下咸使聞知

大清十三年十二月丁酉以

冊封皇貴妃禮成加上

昭聖慈壽恭簡安懿皇太后曰

昭聖慈壽恭簡安懿章慶皇太后前期一日遣官祭告

天

地

太廟

社稷

世祖章皇帝禮服詣

皇太后宮恭上奏書屆日

世祖章皇帝恭奉

冊寶率諸王大臣詣

昭聖慈壽恭簡安懿皇太后宮加上

徽號行禮如儀次日以恭上

皇太后徽號禮成諸王羣臣及公主福晉併命婦等行慶

賀禮

頒詔天下

詔曰自古帝王統御天下首重尊親故嘉禮告成必晉崇

顯號推厥弘澤洽於四海所以廣孝思昭錫類之仁甚

盛典也朕承

聖母昭聖慈壽恭簡安懿皇太后慈訓撫輯萬方於今踰

紀茲更遴選賢淑俾佐壺教彌成內治仰惟至德高厚

難酬非藉鴻稱曷申孝悃是用祇告

天

地

宗廟

社稷於十二月二十四日率諸王貝勒文武羣臣恭奉

冊寶加上

聖母尊號曰

昭聖慈壽恭簡安懿章慶皇太后隆儀爰舉湛惠斯覃所

有應行事宜條列於後布告天下咸使聞知

康熙元年十月癸卯加上

聖祖母太皇太后徽號曰

昭聖慈壽恭簡安懿章慶敦惠太皇太后恭上

母后皇太后徽號曰

仁憲皇太后恭上

聖母皇太后徽號曰

慈和皇太后前期遣官祇告

天

地

太廟

聖朝文獻通考卷二百三十一
社稷是日黎明直班內大臣侍衛內院禮部官俱朝服
齊集設

太皇太后

兩宮皇太后冊寶綵亭六座校尉舉亭內院禮部官前引
太皇太后冊寶綵亭至

太和殿正中陳設

仁憲皇太后冊寶綵亭設於東旁

慈和皇太后冊寶綵亭設於西旁俱稍後陳設畢禮部官
奏

聞

聖祖仁皇帝禮服陞殿閱

冊寶畢內院禮部官導綵亭次第先行

乘輿隨後內大臣侍衛各官隨

駕出右翼門至

太皇太后宮門外降輿捧

冊寶官從綵亭內捧

太皇太后冊寶進宮置黃案上禮部官恭導

聖祖仁皇帝於丹陛正中跪大學士捧

冊寶跪進

聖祖仁皇帝受

冊寶次第恭獻乃上奏書畢大學士依次跪接仍置各案

上女官舉

冊寶案進宮畢

聖祖仁皇帝出升輿率內大臣侍衛內院禮部官至

仁憲皇太后宮進獻

冊寶上奏書如前儀次至

慈和皇太后宮進獻

冊寶上奏書如前儀是日

太皇太后

兩宮皇太后

皇帝鹵簿儀仗俱不設免諸王大臣官員朝賀次日

頒詔天下

詔曰朕惟自古帝王統御寰區首崇孝治溯宮闈之世德
備尊養之彝章隆號推恩甚盛典也欽惟我

聖祖母昭聖慈壽恭簡安懿章慶皇太后佐

皇祖太宗友皇帝肇建丕基啟

皇考世祖章皇帝宅中定鼎

母后皇后克嗣徽音母儀四海

母后温恭淑惠誕育眇躬朕嗣續鴻圖並承慈訓仰惟恩

德愛戴彌殷爰稽古今之典儀用協臣庶之誠悃謹告

天

地

宗廟

社稷於康熙元年十月初三日率諸王貝勒文武羣臣

恭奉

冊寶上

聖祖母皇太后尊號曰

昭聖慈壽恭簡安懿章慶敦惠太皇太后

母后皇后尊號曰

仁憲皇太后

母后尊號曰

慈和皇太后盛典告成爰頒恩賚於戲詒孫翼子綿介祉

於千秋大德顯名合歡心于六宇布告天下咸使聞知

戊申禮部題尊上

太皇太后

仁憲皇太后

慈和皇太后尊號大禮既成詔告天下各藩王并直隸各省文武官五品以上諸司例應齋進慶賀表文嗣後凡遇元旦

聖壽冬至各進表入賀得

旨是

四年九月戊申

大婚禮成加上

昭聖慈壽恭簡安懿章慶敦惠太皇太后徽號曰昭聖慈壽恭簡安懿章慶敦惠温莊太皇太后加上

仁憲皇太后徽號曰

仁憲恪順皇太后前期一曰上

太皇太后

皇太后奏書質明

太皇太后

皇太后儀仗全設宮門前禮部鴻臚寺堂官預赴

太皇太后

皇太后官各設黃案一於官前丹陛正中又設黃案一於

隆宗門外又設黃案一於

中和殿內正中大學士捧奏書置匣內由中道之左
至

中和殿案前設

太皇太后奏書匣於正中

皇太后奏書匣於東旁稍後預捧奏書出匣陳設畢禮部

堂官奏請

聖祖仁皇帝具禮服升殿至案前北面立閱奏書畢仍置

匣內大學士一員捧奏書禮部堂官導引前行

駕陞輿由右翼門出

皇太后奏書暫設於

隆宗門外案上

駕至永康左門外降輿禮部堂官導引捧奏書大學士前

行由

慈寧門之中階入至中門西旁東向立禮部堂官導

駕由東旁上階至丹陛上東旁立禮部堂官傳內監奏請

太皇太后陞座

太皇太后禮服御內殿樂作

降座樂止大學士捧奏書進丹陛上東旁立禮部堂官導

駕詣正中拜位立鳴贊官奏跪

聖祖仁皇帝跪大學士二員一員捧奏書跪於左一員跪

祇候於右

聖祖仁皇帝受奏書恭獻授右旁大學士接置正中案上

鳴贊官奏宣奏書宣讀官由案上捧起跪宣訖仍

置案上鳴贊官奏叩興樂作

聖祖仁皇帝行三跪九叩首禮樂止鳴贊官奏禮畢禮部

堂官導

駕還東旁立內監奏請

太皇太后還宮樂作進宮樂止

駕出陞輿詣

皇太后宮行禮禮部堂官導捧奏書大學士前行至

壽昌門西旁東向立

聖祖仁皇帝獻奏書行禮一應儀注俱與

太皇太后前行禮同畢

駕還宮至日禮部鴻臚寺堂官預赴

皇朝文獻通考 卷一百三十一
三
太皇太后宮

皇太后宮各設黃案一於宮前丹陛正中又各設黃案一於左旁又各設黃案一於門正中

太皇太后

皇太后儀仗全設於宮門前設

大駕鹵簿於

太和門前王以下入八分公以上俱朝服於常朝處齊集未入八分公以下鎮國將軍以上內大臣侍衛都統子滿漢大學士尙書等官俱朝服於

熙和門外齊集文武各官俱朝服于

午門外齊集內閣禮部堂官設冊寶綵亭四座校尉舉亭自內閣起由中路至

太和門內設

太皇太后冊寶綵亭於正中設

皇太后冊寶綵亭於東旁稍後鴻臚寺官引王以下入八分公以上至

太和門丹墀分翼排立禮部堂官奏請

聖祖仁皇帝具禮服鳴鐘鼓

御太和殿闕

冊寶畢內閣禮部堂官捧置亭內校尉舉亭次第前行
駕陞輿禮部堂官前導詣

太皇太后宮作中和樂王貝勒貝子公等隨後行至

熙和門齊集諸大臣侍衛跪候

駕過隨行至

永康左門

皇太后冊寶綵亭二座以次各暫設於

隆宗門外少俟奉

太皇太后冊寶綵亭由中路前行

聖祖仁皇帝降輿隨後行至

太皇太后宮門內丹陛上東旁立大學士於亭內捧出

冊寶置門內所設案上內監奏請

太皇太后陞座

太皇太后禮服御內殿樂作

陞座樂止大學士捧

冊寶由中門進設

冊寶於正中案上設

冊寶文於東旁案上

駕詣正中拜位立王以下公以上在門內大臣侍衛在門

外排立鳴贊官奏跪

聖祖仁皇帝跪王等諸臣皆跪鳴贊官贊進

冊寶大學士二員一員由案上捧

冊寶依次跪進於左一員跪祇候於右

聖祖仁皇帝祇受恭獻授右旁大學士接至正中案上鳴

贊官贊宣

冊寶宣讀官從案上捧

冊寶文依次跪宣畢仍置案上四女官舉

冊寶案置官門外正中鳴贊官奏叩興

聖祖仁皇帝行三跪九叩頭禮興王等諸臣皆隨後行禮

其行禮時作樂御史立於

慈寧宮門外

永康左門外

午門外三處侍儀其

午門外齊集各官鴻臚寺官由內接傳亦隨班行禮

鳴贊官奏禮畢

皇朝文獻通考卷一百三十一
聖祖仁皇帝還位立內監奏請

太皇太后還宮樂作進宮樂止

駕出陞輿禮部堂官導

駕詣

皇太后宮恭獻

冊寶其禮儀與

太皇太后前行禮同禮畢還宮次日

頒詔天下

詔曰朕惟帝王撫有四海必首重孝治以端教化之源是

以子孫相承而衍慶於奕葉也欽惟我

聖祖母昭聖慈壽恭簡安懿章慶敦惠太皇太后佐

皇祖太宗文皇帝肇興大業啟

皇考世祖章皇帝式廓弘圖

聖母仁憲皇太后克嗣徽音母儀茂著朕纘膺丕緒夙夜

兢兢仰荷慈闈並弘訓育茲者遴選賢淑作配朕躬屬

當嘉禮之成宜晉尊稱之典謹告

天

地

宗廟

社稷於康熙四年九月二十五日率諸王貝勒文武羣臣恭奉

冊寶加上

聖祖母昭聖慈壽恭簡安懿章慶敦惠太皇太后徽號曰昭聖慈壽恭簡安懿章慶敦惠溫莊太皇太后

聖母仁憲皇太后徽號曰

仁憲恪順皇太后崇

兩宮之顯號洽萬國之歡心於戲祉貽孫子宏昭式穀之

源禮備尊親大錫覃恩之典布告中外咸使聞知

六年

聖祖仁皇帝躬親大政十一月丁巳加上

昭聖慈壽恭簡安懿章慶敦惠溫莊太皇太后徽號曰

昭聖慈壽恭簡安懿章慶敦惠溫莊康和太皇太后加上

仁憲恪順皇太后徽號曰

仁憲恪順誠惠皇太后前期一日遣官祭告

天

地

太廟

社稷

聖祖仁皇帝禮服詣

太皇太后

皇太后宮恭上奏書屆日恭奉

冊寶詣

太皇太后

皇太后宮加上

徽號行禮如儀次日

頒詔天下

詔曰朕惟自古帝王建極綏猷保民圖治莫不以懋昭光

德祇盡孝忱爲務朕纘承丕基躬親庶政恭惟

世祖章皇帝功德兼隆當崇配享暨

聖祖母太皇太后

聖母皇太后恩勤備至宜盡顯揚是用上稽前典下協輿

情謹告

天

地

宗廟

社稷率諸王貝勒文武羣臣于康熙六年十一月朔有
七日冬至恭祀

上帝十六日如夏至儀恭祀

地祇並奉

世祖章皇帝配享十七日恭奉冊寶加上

聖祖母昭聖慈壽恭簡安懿章慶敦惠溫莊太皇太后徽

號曰

昭聖慈壽恭簡安懿章慶敦惠溫莊康和太皇太后加上

聖母仁憲恪順皇太后徽號曰

仁憲恪順誠惠皇太后慶禮兼行鴻恩廣逮於戲率由舊

章以觀前烈之高厚永膺純嘏覃敷怡冒之恩慈彰孝

道於千秋合歡心于萬國布告天下咸使聞知

十五年正月甲午以

冊立皇太子禮成加上

昭聖慈壽恭簡安懿章慶敦惠溫莊康和太皇太后徽號

曰

昭聖慈壽恭簡安懿章慶敦惠溫莊康和仁宣太皇太后

仁憲恪順誠惠皇太后徽號曰

仁憲恪順誠惠純淑皇太后前期一日遣官祭告

天

地

太廟

社稷

聖祖仁皇帝禮服詣

太皇太后

皇太后宮行禮恭上奏書屆日恭奉

冊寶詣

太皇太后

皇太后宮加上

徽號行禮如儀次日

御太和殿受賀

頒詔天下

詔曰朕惟帝王綏理萬方首崇孝治尊親之典因事加隆
至建立元儲懋敦國本尤必推原懿德上晉徽稱此歷

代不易之盛軌也欽惟我

聖祖母昭聖慈壽恭簡安懿章慶敦惠溫莊康和太皇太

后佐

皇祖太宗文皇帝肇造丕基啟

皇考世祖章皇帝恢弘大業

聖母仁憲恪順誠惠皇太后母儀茂著克嗣徽音朕奉事

慈闈並承訓育紹基圖治宵旰靡寧茲者祇遵懿命冊

立皇太子禮成仰惟垂裕之仁式舉顯揚之典謹告

于

太皇太后宮中

地

宗廟

社稷於康熙十五年正月十一日率諸王貝勒文武羣

臣恭奉

冊寶加上

聖祖母昭聖慈壽恭簡安懿章慶敦惠溫莊康和太皇太

后徽號曰

昭聖慈壽恭簡安懿章慶敦惠溫莊康和仁宣太皇太后

聖母仁憲恪順誠惠皇太后徽號曰

皇朝文獻通考 卷一百三十一
仁憲恪順誠惠純淑皇太后慶禮告成恩綸宜沛於戲崇
儀顯號昭令範於千秋錫類推恩洽歡心於四海布告
中外咸使聞知

二十年十二月癸卯以滇黔蕩平加上

昭聖慈壽恭簡安懿章慶敦惠溫莊康和仁宣太皇太后
徽號曰

昭聖慈壽恭簡安懿章慶敦惠溫莊康和仁宣弘靖太皇
太后加上

仁憲恪順誠惠純淑皇太后徽號曰

仁憲恪順誠惠純淑端禧皇太后前期遣太學士勒德洪
明珠詣

慈寧宮奏加上

徽號禮儀

太皇太后諭曰自叛逆搆亂于今八年皇帝焦心勞思運
奇制勝故得寇盜削平海宇寧謐皇帝應受尊號以答
臣民之望予處深宮之中不與外事受此尊號於心未
愜此典禮不必行勒德洪等奉

太皇太后旨還奏

上復遣詣

慈寧宮奏曰歷稽往代國家凡有大慶必歸美于尊親
太皇太后鑒臣微忱特允奏請臣雖無尊號傳示中外亦
有榮光

太皇太后復不允勒德洪等還奏

上復遣詣

慈寧宮奏曰自寇亂用兵以來將士疲勞生民困苦瘡痍
未復喘息未蘇雖兵戈乍戢疆宇初平國家紀綱正宜
整頓地方元氣正宜培養臣何敢晏然自處以爲太平

無事受納尊號惟祈

太皇太后聖心歡豫俯體羣情允行大典臣實幸甚天下
幸甚

太皇太后曰皇帝既倦倦懇情至於再三予亦不能固辭
可照禮儀行前一日遣官告祭

天

地

太廟

社稷屆日

聖祖仁皇帝率王公大臣侍衛等恭奉
冊寶詣

太皇太后

皇太后宮加上

徽號行禮如儀禮畢

御太和門以太和殿
工未告成故受賀如儀是日

皇貴妃以下詣

太皇太后

皇太后宮行慶賀禮質明公主王妃以下縣君鎮國將軍

夫人以上民公侯伯都統子內大臣大學士尙書
等官命婦以上俱朝服在

永康右門外齊集其引禮前引後隨大臣命婦俱朝
服在右翼門齊集禮部引至

隆宗門禮部堂官傳內監奏請

皇貴妃等詣

太皇太后宮行禮

皇貴妃

貴妃

諸妃禮服升輿依次出

隆宗門赴

慈寧宮其引禮大臣命婦前導公主王妃以下大臣命婦等隨至

永康左門降輿入

慈寧門內丹陛上西旁立引禮命婦傳內監奏請

太皇太后陞座

太皇太后禮服御內殿樂作

陞座樂止

皇貴妃等前進

皇貴妃在左

貴妃在右

諸妃分左右立稍後率公主王妃以下大臣命婦依次排立行六肅三跪三叩禮樂作禮畢

皇貴妃等復原位立內監奏請

太皇太后還宮樂作進宮樂止

皇貴妃等出宮乘輿引禮命婦前導赴

皇太后宮行禮與

太皇太后宮行禮同禮畢

皇貴妃等還宮公主王妃以下大臣命婦等皆退是

日

頒詔天下

詔曰朕惟帝王纘承鴻緒首重尊親顯號存加彝章具在
矧式遏禍亂者定厥功實稟誨育之恩應極尊崇之典
比者逆賊吳三桂反叛煽動多方朕夙夜靡寧肆張天
討仰惟

聖祖母昭聖慈壽恭簡安懿章慶敦惠溫莊康和仁宣太

皇太后

聖母仁憲恪順誠惠純淑皇太后懿訓次篤翦滅克奏蕩

平上尉

宗廟之靈下拯生民之厄非藉

慈庇曷克臻此茲用晉休稱載揚盛德謹告

天

地

宗廟

社稷於康熙二十年十二月二十四日率諸王貝勒文

武臺臣恭奉

冊寶加上

聖祖母昭聖慈壽恭簡安懿章慶敦惠溫莊康和仁宣太
皇太后徽號曰

昭聖慈壽恭簡安懿章慶敦惠溫莊康和仁宣弘靖太皇
太后

母仁憲恪順誠惠純淑皇太后徽號曰

仁憲恪順誠惠純淑端禧皇太后禮既備於

兩宮澤宜敷于四海於戲慶洽宮闈聿展因心之孝恩覃

中外丕昭錫類之仁布告天下咸使聞知

三十六年七月以朔漠平定請加上

仁憲恪順誠惠純淑端禧皇太后徽號

懿旨不允是日癸未大學士等擬尊上

皇太后壽康顯寧徽號

聖祖仁皇帝命滿大學士等奏知

皇太后

皇太后不允

上復令大學士奏請奉

皇太后懿旨皇帝懋建宏勳予不勝欣悅際此昌期予心慰矣尊加徽號向雖有例並非斷不可已者著停止予心始安大學士等回奏

上命大學士集議甲申大學士等復奏請

皇太后

皇太后諭曰皇帝既不受尊號這加徽號不必行大學士等乃議言

皇太后不受徽號懿旨已經三頒相應謹遵

懿旨

上從之

六十一年十一

世宗憲皇帝嗣位尊

聖母爲

皇太后恭上

徽號曰

仁壽皇太后是月辛丑

世宗憲皇帝諭禮部朕惟君國之道必崇孝理化民之本務重尊親欽惟我

皇朝文獻通考 卷一百三十一
聖母仁承

天德順協坤儀恭儉溫慈懋昭淑範恩勤顧復誕育藐躬
朕纘荷鴻圖恭承

懿訓顯揚

聖善儀典宜隆式考舊章恭上

皇太后尊號爾部詳察典禮具奏十二月乙卯禮部奏恭

上

皇太后尊號禮儀奉

皇太后懿旨予自幼入宮蒙

天行皇帝深恩備位妃列幾五十年雖夙夜小心勤修內
職未能圖報萬一

龍馭升遐卽欲相從皇帝再三諫阻情詞懇至勉慰其心
未伸予志今諸王大臣援引舊典請上尊稱此時

梓宮大事正在舉行淒切哀衷何暇他及尊崇典禮實非
予心所安况予戒慎居心謙中訓子但願子子體

先帝之心永保令名諸王大臣體

先帝之心各抒忠悃則兆民胥賴海宇蒙休予躬大有光
榮勝於受尊稱遠矣諸王大臣復叩請再三始蒙

慈允禮部等衙門恭擬上

徽號曰

仁壽皇太后製造

冊寶儀仗於雍正元年

聖祖山陵事畢之後諏吉舉行典禮從之

雍正十三年九月

皇上御極尊

聖母為

皇太后十二月戊寅恭上

聖母皇太后徽號曰

崇慶皇太后先是九月壬寅

諭禮部朕惟致治之本孝道為先尊養之隆鴻稱首重

欽惟

皇太后順德承

天坤元應地溫恭慈惠懋著

徽音誕毓朕躬恩深鞠育茲者

母儀萬國福履茂膺當申顯懿之隆名以展尊崇之鉅典

爾部詳察典禮具奏大學士等恭擬

徽號曰

崇慶皇太后詠吉

上躬進

冊寶行禮前期一日遣官各一人祭告

天

地

太廟後殿

奉先殿

社稷其口恭上

皇太后奏書所司設

皇太后儀駕陳樂懸設黃案於

慈寧門正中又設案於

中和殿陳奏書於案上

上禮服御

中和殿向北立祗閱奏書大學士捧奏書先行

上乘輿從至

永康左門外降輿入立於

慈寧門東

皇太后陞慈寧宮座

上詣案前跪恭獻奏書陳于案宣讀官奉奏書北面跪

宣訖

上行三跪九叩禮禮成復位立

皇太后還宮乃退至是日陳鹵簿樂懸設

皇太后儀駕樂懸設黃案於

太和殿內陳

冊寶於案上設

冊寶亭於黃案左右

上禮服御殿閱

冊寶畢奉

冊寶官安於亭內鑾儀校昇行

上陞輿從至

永康左門外降輿入立於

慈寧門東奉

冊寶官陳

冊寶於黃案

皇太后陞慈寧宮座

上詣拜位跪恭獻

冊寶次宣讀官宣

冊文

寶文畢內監捧

冊寶案由中門入陳於

慈寧門外正中

上行三跪九叩禮王公百官皆隨行禮禮畢

皇太后還宮乃退是日

皇后率

貴妃

妃

嬪及公主王妃大臣命婦詣

慈寧宮慶賀行禮如儀次日

頒詔天下不

御殿受賀

詔曰朕惟自古帝王膺圖御宇溯風化之有基教由慈
壺展顯揚之夙志禮重隆稱堯母紀美於陶唐太妣
表徽於姬室彝倫鉅典熙代鴻規欽惟

皇朝文獻通考 卷一百三十一
聖母太皇太后德協乾元恩侔坤厚溫恭秉性聿彰講吉
之音儉約持躬並贊肅雝之化奉

庭闈而篤孝孚鑒

天心居宮掖以宣勤恪襄內治佐我

皇考重華之盛烈啟予國家奕葉之休嘉誕育眇躬備勞
無鞠恩施覃厚推仁惠以垂謨牖迪維周本詩書而
示訓疇昔感深

母教長黽勉於一心今茲仰答

慈徽共尊親者萬國矧昇平之永慶喜福祉之懋膺億兆

天
地
宗廟
嵩呼近依殿陛梯航雲集遠貢共球用抒臣子之誠
敬効尊隆之典禮儀具肅諮考僉同禋告

宗廟

社稷於雍正十三年十二月十三日率諸王貝勒大臣
文武羣臣謹奉

冊寶恭上

皇太后尊號曰

皇朝文獻通考 卷二百三十一 三
崇慶皇太后懽愉並洽於宮庭膏澤宜均於海宇於戲
隆名丕峻銘琬琰以揚庥

純嘏彌增溥垓埏而錫福布告天下咸使聞知

乾隆二年十二月甲午以

冊立

皇后禮成加上

崇慶皇太后徽號曰

崇慶慈宣皇太后先是十一月丁丑

諭禮部朕惟王化攸基事先敦本典章有慶誼重尊親

矧恩慈宜盡夫顯揚而崇號允符乎仁善欽惟

聖母崇慶皇太后德涵愷悌功贊昇平恭儉垂模壺掖咸

欽內則肅離成化邦家羣奉母儀福祿加綬臣黎共

戴朕紹承丕緒恪秉彝章罔遵

懿訓之頒爰定中宮之位念徽音之有嗣佑啟多方荷教

育之時勤貽安奕禩用伸敬悃恭晉隆稱加上

聖母皇太后徽號曰

崇慶慈宣皇太后鴻名紀盛于瑤齋純嘏增輝於寶冊宸

輿式仰鉅典宜昭其應行典禮爾部敬謹詳議具奏

至是恭奉

冊寶加上

徽號前期一日遣官告祭

天

地

太廟後殿

奉先殿

社稷

上詣

慈寧官恭進奏書至日

上率王公大臣詣

皇太后宮躬進

冊寶行禮畢

皇后率

貴妃

妃

嬪以下詣

皇太后宮行慶賀禮均如儀次日

上御太和殿王公百官進表行慶賀禮

頒詔天下

詔曰朕惟禮隆報本感慈德而難名誼重崇親遇慶儀而倍篤瞻肅離之令範式嗣徽音念啟佑之多方永貽燕翼榮稱宜晉彝典維昭欽惟

聖母崇慶皇太后合撰乾元應符坤極宣勞贊治和恒同四海之風敦儉持躬仁讓溥六宮之教當夫藐躬誕育備荷恩勤迨夫大業丕承每殷牖迪錫福多而兆民賴貽謀遠而萬國寧極尊養之兼隆殫敷揚而莫

罄茲承

慈訓爰立中宮政治修明清寧協應效敬承於夏啟塗山之烈彌彰衍昌熾於姬宗太妣之謨聿著敬加

懿號用洽輿情祇告

天

地

宗廟

社稷於乾隆二年十二月十一日率諸王貝勒大臣文武羣臣恭奉

皇朝文獻通考

冊寶加上

崇慶皇太后徽號曰

崇慶慈宣皇太后炳嘉名於宮掖推錫類於臣黎於戲寶

牒揚麻奕葉被春暉之照瑤階志林寰區沾闡澤之

施布告天下咸使聞知

十四年四月乙酉以金川平定

冊立攝六宮事皇貴妃禮成加上

崇慶慈宣皇太后徽號曰

崇慶慈宣康惠皇太后先是二月癸卯

諭禮部朕惟君臨天下隆儀首重乎尊親化起官庭盛

世莫先於崇孝矧膚功之克奏悉藉

慈徽而吉日之方誼適逢嘉慶歡心允洽茂典宜遵欽惟

聖母崇慶慈宣太后德範光昭恩暉廣被昇平贊

化欽壺則之宏敷教育垂仁仰

母儀之懋著頃金川鞠旅運籌殫宵旰之勞每

玉祀承顏啟迪荷再三之訓遂得蠻氛綏靖喜邊徼之永

寧從此海宇乂安遍蒸黎而蒙福且萬里成功之日

正中宮協吉之期觀嘉祉之駢臻沐

鴻慈之普庇敬展顯揚之悃用伸歸美之誠加上

聖母皇太后徽號曰

崇慶慈宣康惠皇太后輝增寶冊純禧茂集於

萱幃慶溢寰輿景福常凝於

蘭殿式崇

顯號聿舉彝章其應行典禮爾部敬謹詳議具奏至是恭

奉

冊寶加上

徽號前期一日遣官告祭

天

地

太廟後殿

奉先殿

社稷

上詣

皇太后宮恭上奏書至日

上御太和殿閱

冊寶率王公大臣詣

皇太后宮恭上

冊寶行禮次日

上詣

皇太后宮率王公大臣行慶賀禮百官於

午門外隨行禮次

皇貴妃率

貴妃

妃

嬪公主王妃命婦詣

皇太后宮行慶賀禮

上御太和殿王公文武羣臣上表慶賀行禮均如儀

頒詔天下

詔曰帝王恭膺景命寅紹丕基內正家邦外寧邊境起

宮庭之雅化播海宇之休風必原垂裕之隆以著懋

昭之盛所以顯親教孝榮號歸尊載考前徽實多慶

典欽惟

聖母崇慶慈宣皇太后仁垂教育德普生成啟泰運以貽

謀體坤儀而立極頃以中宮虛位內佐需人乃眷柔

嘉俾宏繼體嫺貴妃那拉氏禔躬淑慎秉性端莊克

承

慈顧之恩允協順成之義雖正位之禮尚待於三年而統

攝之儀當循乎往制於乾隆十四年四月初五日冊

命那拉氏為皇貴妃攝六宮事問安

蘭殿表範椒塗永敬奉乎

徽音以穆宣乎壺政至於遐荒綏靖中外乂安不成不戰

之功益荷無疆之庇方當元勳專闢嘉勇畧之宏抒

禁旅揚威奏先聲之大振審機宜於宵旰時切憂勤

承

慈誨於再三深蒙訓迪仰體好生之念用開祝網之恩金

川土酋莎羅奔狼卡等稽首來降革心效順兵戎載

戢蠻服教寧淳化殷流太和翔洽凡此嘉祥之並集

實惟

佑啟之多方宜晉

鴻稱以彰

盛德謹告

天

地

宗廟

社稷於乾隆十四年四月初八日率王公文武羣臣恭

捧

冊寶加上

聖母崇慶慈宣皇太后徽號曰

崇慶慈宣康惠皇太后尊養兼隆彌衍鴻圖之瑞顯揚共

戴永昭燕翼之祥盛典聿光湛恩用博於戲廣

聖慈而錫福萬邦共樂乎昇平昭

德範以承庥四海覃敷乎愷澤布告天下咸使聞知

十五年八月癸酉以

冊立

皇后禮成加上

聖母崇慶慈宣康惠皇太后徽號曰

崇慶慈宣康惠敦和皇太后先是七月丙辰

諭禮部朕惟王化本於尊親盛治必先崇禮矧徽音之

有嗣佑啟多方仰至德之難名顯揚曷罄欽惟

聖母崇慶慈宣康惠皇太后恩覃海宇化洽宮庭

慈範宏昭普萬民而錫福

母儀懋著綿百世以延禧朕虔秉彝章躬承

懿旨爰定中官之位聿隆繼冊之儀當茲吉禮之既成忝

荷

聖慈之垂裕用伸誠悃恭晉

隆稱敬加上

聖母皇太后徽號曰

崇慶慈宣康惠敦和皇太后綏第祿於璇宮鴻名紀盛耀

光華於寶冊燕喜增輝鉅典攸昭宸輿共戴其應行

典禮兩部敬謹詳議具奏至是恭奉

冊寶加上

徽號前期一日遣官告祭

天

地

太廟後殿

奉先殿

社稷

上詣

皇太后宮恭上奏書至日

上御太和殿閱

冊寶率王公大臣詣

皇太后宮恭進

冊寶行禮次日

上詣

皇太后宮率王公大臣進表行慶賀禮百官於

午門外隨行禮次

皇后率

貴妃

妃

嬪公主王妃命婦詣

皇太后宮行慶賀禮

上御太和殿王公百官上表慶賀行禮次

皇后率

貴妃

妃

嬪於

皇上前行禮次

貴妃

妃

嬪公主王妃命婦於

皇后前慶賀行禮是日

頒詔天下

詔曰朕惟君臨天下首重懿倫化洽家邦式資內助用
協順承之義以符元吉之占佐政教於宮闈廣禔福
於中外懋昭有自尊顯宜崇當嘉禮之觀成必隆儀

之並舉徽章具在慶典彌光欽惟

聖母崇慶慈宣康惠皇太后化啟鴻圖澤敷燕翼荷

生成之大德蒙

教育之深仁

懿訓頻頒

恩勤備至念中宮之虛位已循統攝之儀欣繼體之得人

爰舉冊立之典攝六宮事皇貴妃那拉氏孝謹性成

溫恭素著嬪嬙效職壺政茂宣允克紹嗣徽音欽承

慈顧是用仰遵

成命俾正坤儀祇告

天 地

宗廟

社稷於乾隆十五年八月初二日冊立攝六宮事皇貴

妃那拉氏爲皇后承歡

蘭殿表範椒塗勸孝治於朕躬覃仁風於海宇天庥茂集

德教彌昭慶祉方臻

鴻稱適駿謹於乾隆十五年八月初三日率王公文武羣

臣恭捧

冊寶加上

聖母崇慶慈宣康惠皇太后徽號曰

崇慶慈宣康惠敦和皇太后丕著尊親之禮聿端王化之

源人紀肇修篤純禧而有永顯揚曷罄綿景福以無

疆特沛湛恩以彰鉅典於戲播宮庭之雅化益洪垂

裕之謀衍奕禩之嘉祥彌啟昇平之運布告天下咸

使聞知

